

bhadh, agus ar clann, agus ar
sprecidh le tart?

4 Agus dh'éigh Maois ris an
Tighearn, ag ràdh, Ciod a ni
mi ris an t-sluagh, fo? is beag
nach 'eil iad 'g am chlochadh.

5 Agus thubhairt an Tigh-
earna re Maois, Imich roimh 'n
t-sluagh, agus thoir leat *cuid* do
sheanairibh Israeil; agus do sliat
leis an do bhuail thu an abhainn,
gabh a'd' làimh, agus bi 'g i-
meachd:

6 Feuch, seafaidh mise ro-
mhad 'an sin air a' charraig ann
an Horeb, agus buailidh tusa a'
charraig, agus thig uisg' a mach
aisde, a chum gu'n òl an sluagh.
Agus rinn Maois mar sin ann
an sealladh sheanairean Israeil.

7 Agus thug e mar ainm air
an àite Masah agus Meribah, air
son confachaidh^a chloinn Israeil,
agus do bhrì' gu'n do bhros-
nuich^b iad an Tighearn, ag
ràdh, Am bheil an Tighearna
'nar measg, no nach 'eil?

8 'An sin thàinig Amalec, a-
gus chog e re h-Israel ann an
Rephidim.

9 Agus thubhairt Maois re
Iosua, Tagh a mach dhuinn
daoine, agus falbh a mach, cog
re h-Amalec: am maireach sea-
faidh mise air mullach an t-sleibh,
agus slat Dhé a'm' làimh.

10 Agus rinn Iosua mar a
thubhairt Maois ris, agus chog
e re h-Amalec. Agus chaidh
Maois, Aaron, agus Hur, suas
gu mullach an t-sleibh.

11 Agus an uair a thog Maois
suas a làmh, 'an sin bhuadhaich
Israel, agus an uair a leag e sìos
a làmh, bhuadhaich Amalec.

12 Ach bha làmhnan Mhaois
trom, agus ghabh iad clach, a-
gus chuir iad fuidhe *i*, agus
shuidh e oirre: agus chum Aaron
agus Hur suas a làmhnan, fear
dhiubh air aon taobh, agus fear
air an taobh eile; agus bha a
làmhnan seasmhach gu dol fuidhe^c
na gréine.

13 Agus chlaoidh Iosua Ama-
lec agus a dhaoine le faobhar a'
chlaidheimh.

14 Agus thubhairt an Tigh-
earna re Maois, Sgrìobh fo *mar*
chuimhneachan ann an leabhar,
agus aithris *e* ann an cluasaibh
Iosua; oir dubhaidh mise as gu-
tur cuimhne Amaleic o *bhi* fuidh^d
nèamh.

15 Agus thog Maois altair,
agus thug e Iehobhah-Nisi mar
ainm oirre:

16 Oir thubhairt e, Do bhrì'
gu'n do mhionnaich an Tigh-
earna, *gu'm bi* cogadh aig^e an
Tighearna re h-Amalec o linn
gu linn.

C A I B. XVIII.

NUAIR a chuala Ietro,
sagart Mhidiaìn, athair-
céile Mhaois, gach ni a rinn Dia
air son Mhaois, agus air son Is-
raeil a shluaigh, gu'n d'thug an
Tighearn a mach Israel as an
Eiphit;

2 'An sin thug Ietro, athair-
céile Mhaois, leis Siporah bean
Mhaois, 'an déigh dha a cur air
a h-ais,

3 Agus a dithis mhac, d'am-
b' ainm do h-aon diubh Gersom,
(oir thubhairt e, A'm' choi-
greach bha mi ann an ùr choi-
mhich)